

**Staðfesting forsetans** á skipulagsskrá fyrir Minningarsjóð hjónanna Ágústu Jónatansdóttur og Daníels Jónatanssonar, útgefin á venjulegan hátt að mandatum af dómsmálaráðherra 27. desember 1988.

Skipulagsskráin er þannig:

## SKIPULAGSSKRÁ

fyrir Minningarsjóð hjónanna Ágústu Jónatansdóttur og Daníels Jónatanssonar.

### 1. gr.

Sjóðurinn heitir Minningarsjóður hjónanna Ágústu Jónatansdóttur og Daníels Jónatanssonar. Heimili hans er að Bjargshóli í Fremri Torfustaðahreppi í Miðfirði.

### 2. gr.

Sjóðurinn er stofnaður til minningar um hjónin Ágústu Jónatansdóttur og Daníel Jónatansson, er bjuggu á Bjargshóli árin 1919–1941, af Jónatani syni þeirra. Stofndagur sjóðsins telst sá dagur er forseti Íslands staðfestir skipulagsskrá þessa.

### 3. gr.

Stofnframlag til sjóðsins er:

1. Eignarhluti stofnandans úr landi Bjargshóls, talinn um  $\frac{1}{10}$  hluti af Bjargshólslandi og afmarkast þannig: af þjóðvegi að austan, Sláttulág að sunnan, merkjum milli Bjargshóls og Brekkulækjar að vestan og Landamerkjalækjar að norðan. Einn þriðji hluti veiðihlunninda Bjargshóls alls fylgir þessum jarðarhluta.
2. Kr. 12.000.000 – tólf milljónir króna – leggur stofnandi einnig til sjóðsins í spariskírteinum ríkissjóðs. Er fjárhæðin miðuð við uppreiknuð verðmæti spariskírteinanna á afhendingardegi þeirra til sjóðsstjórnar eftir staðfestingu skipulagsskrár þessarar.

### 4. gr.

Landið má ekki skerða, að öðru leyti en því að stjórn sjóðsins skal vera heimilt að úthluta 2 sumarbústaðalöndum til niðja Ágústu og Daníels. Höfuðstól lausafjárins má aldrei skerða og skal ávallt leggja við hann verðbætur allar, en vextir skulu frjálsir til ráðstöfunar við framkvæmdir á landinu svo og hlunnindatekjur af ánni.

### 5. gr.

Hlutverk sjóðsins er að rækta skóg á landinu, sem stofnandinn leggur til sjóðsins skv. 3. gr. 1. tl. Til þess að ná þeim tilgangi sjóðsins er stjórn hans m.a. heimilt að semja um skipulagningu og framkvæmd verkefnis sjóðsins við Skógrækt ríkisins eða aðra aðila til þess hæfa að mati sjóðsstjórnar á hverjum tíma.

### 6. gr.

Stjórn sjóðsins skulu skipa þrjú menn:

1. Sýslumaður Húnavatnssýslu, formaður. En verði það embættisheiti lagt niður, þá tilsvarandi yfirvald í héraði, eða maður tilnefndur af sýslumanni eða því yfirvaldi.
2. Einn stjórnarmaður skal vera tilnefndur af Skógrækt ríkisins.
3. Einn stjórnarmaður skal vera einn af niðjum Ágústu og Daníels, í fyrstu Jónatan sonur þeirra, sem tilnefnir varamann fyrir sig. Er Jónatan fer úr stjórninni tekur varamaðurinn sæti aðalmanns í stjórninni og tilnefnir varamann sinn og eftirmann og svo koll af kolli.

## 7. gr.

Stjórn sjóðsins skal varðveita eignir sjóðsins með sem bestum hætti, land og lausafé. Landið skal friða og verja gróður allan með traustum girðingum og með öðrum hætti er best má verða, en lausafé allt skal ávaxtað í verðtryggðum skuldabréfum, verðtryggðum banka-reikningum, ríkisskuldabréfum eða á annan hátt sem sjóðsstjórnin er sammála um að sé jafnöruggt og gefi eins góða ávöxtun.

## 8. gr.

Reikningsár sjóðsins er almanaksárið. Reikningur sjóðsins skal endurskoðaður af löggiltum endurskoðanda og varamanni 3. stjórnarmanns þ.e. niðja Ágústu og Daníels.

## AUGLÝSING

## um umferð á Akureyri.

Að fengnum tillögum bæjarstjórnar Akureyrar og samkvæmt heimild í 81. gr. umferðarlaga nr. 50/1987 eru hér með settar eftirfarandi reglur um umferð á Akureyri.

1. Bannaðar eru bifreiðastöður á Skipagötu við vesturbrún götunnar á 18 m kafla til suðurs frá húsi nr. 8. Bann þetta tekur þó eigi til póstbifreiða.
  2. Bifreiðastöður eru leyfðar á Aðalstræti að vestanverðu frá húsi nr. 18 og að húsi nr. 74.
  3. Biðskylda verður á eftirtöldum götum, þar sem þær mæta Byggðavegi: Ásabyggð, Goðabyggð, Vanabyggð, Norðurbyggð, Rauðamýri, Grænamýri, Hrafnabjörg, gamli þjóðvegurinn og Sjafnarstígur.
  4. Umferð um Byggðaveg skal víkja fyrir umferð um Hrafnagilsstræti (biðskylda).
  5. Umferð um Naustafjöru skal víkja fyrir umferð um Þórunnarstræti (biðskylda).
  6. Umferð um Lyngholt skal víkja fyrir umferð um Stórholt (biðskylda).
- Ákvæði auglýsingar þessarar taka gildi þegar í stað.

*Lögreglustjórinn á Akureyri, 21. desember 1988.*

**Eliás I. Eliásson.**